

Cołko Rodzina Tata Mama Synek Cera Farorz

Wszystko zaczęło się we styczniu na kolyndzie. **Cołko Rodzina** Sajoków padała **Farorzowi**, że lecom na wczasy all inclusive we wrześniu. **Farorz** był blank zdziwiony, że zabraknie jego parafian na dożynkach. **Tata** się kapnął, że skiz dożynek powiatowych w Palowicach dożynki bydom niskorzyj i drapko wakacje odwołał – dyć nie mogli przepasować takigo fajeru. **Synek** łogromnie się ucieszył, dyć uwielbio korowód, dmuchańce i smażone mini- krepki. **Cera** siadła obrażono, bo na dożynki iść się gańbuje, wołałaby z **cołkom rodzinom** sajoków szczyłać selfi pod palmom na olinkluziw. A **Mama** już miała smaka na kołocz ze syrym od Wałacha. Przeszła 10 września i wielkie larmo: od rana **tata** krążył kapusta, **mama** kulała kluski, **synek** szkrobał kartofle, a **cera** sfijała i piykła rolady, że **farorzowi**, aż woniało na farze. Żniwno się udała, porzykali, podziękowali za plony i podziwiali cudnej urody korona dożynekowo. **Cołko rodzina** Sajoków pojadła i posprzątała, aż **mama** obleciała stół z radości. Na korowodzie było ludzi fol! W piyrszyj laufbryce jechoł **farorz**, sołtys i fojt. Jechoł tyż karlus, co się naszym **cerze** fest podobiał, a miyszko kole **farorza**. Można naprzeciwno **farorza**? Jedyn futer. Na boisku **synek** się wyskokoł, **mama** pośpiewała w chórze, a niskorzyj z **tatom** kołocza spaskudzili i wziyni udział w turnieju sąsiedzkim zajmując pierwsze miejsce. **Cołko rodzina** się ogromnie cieszyła, a **cera** zatańczyła we świeżo upieczonym wianku z tym karlusem co ij wpał w oko. Wiyecie kery karlus, tyn co miyszko kole **farorza**. Można naprzeciwno **farorza**? Jedyn futer. Na koniec poszli tańcować w Remizie do białego rana – a kto? **Tata, mama, synek i cera** - **Cołko Rodzina** Sajoków!